

Мемлекет сыбайлас жемқорлыққа қарсы саясатты жүзеге асыруда. Осы саясаттың негізінде бүгінгі таңда Президент келесі бағыттарды ұсынды:

- Кәсіпкерлердің және қоғамның сыбайлас жемқорлық туралы талап-тілектері бойынша жүйелікті жүзеге асыруымыз керек;
- Мемлекет реттейтін бағаларды белгілеу кезіндегі жемқорлықты жою қажет;
- Мемлекеттік сатып алулар мен квазимемлекеттік сектордағы сатып алулардың бүкіл жүйесін қайта қарау қажет;
- Мемлекеттік-жекеменшік әріптестік саласында сыбайлас жемқорлыққа қатысты бақылауды күшейту қажет;
- Салық және кеден саласындағы жемқорлықты жою қажет;
- Азаматтар арасында ақпараттық түсіндіру жұмысын күшейту қажет.
- Мемлекеттік аппаратта жобалық басқару қағидаттарын енгізуді жалғастыру қажет. Жалпы айтқанда, қоғамның басты талабының бірі – әділдік пен заң үстемдігін орнату. Бұл жолдағы ең үлкен кедергі сыбайлас жемқорлық екені сөзсіз. Біз осы қоғамдық кеселді қалайда жеңуіміз керек.

Әдебиеттер

1. 2015-2025 жылдарға арналған Қазақстан Республикасының Сыбайлас жемқорлыққа қарсы стратегия, 2014 ж

2. <http://tikazakhstan.org>

Жүніс Н.С., 1 курс магистранты (академик Е.А.Бөкетов атындағы ҚарУ)
Ғылыми жетекші - э.ғ.к., профессор Мамбетова С.Ш., э.ғ.к., профессор
Казбеков Т.Б.

ҚАЗАҚСТАН РЕСПУБЛИКАСЫ АГРОӨНЕРКӘСІПТІК КЕШЕНІНІҢ ИННОВАЦИЯЛЫҚ ДАМУ БАРЫСЫ

Агроөнеркәсіптік кешен-ұлттық экономиканың ең негізгі, басты салаларының бірі болып табылады. Агроөнеркәсіптік кешен ауыл шаруашылығы өнімдерін өндіруді, өңдеуді, өткізуді, сақтауды, тасымалдауды қамтамасыз етеді[1].

Еліміздің агроөнеркәсіптік кешенінде инновациялық қызметтің тиімді нәтижелеріне-жоғары технологиялы өнім көлемін арттыру, еңбек тиімділігі мен капиталдың өсуін қамтамасыз ету және өндіріс тиімділігін жоғарылату жатады. Нарықтық бәсекелестік заманда жаңа технологияларды агроөнеркәсіптік кешенге енгізу өндіріс тиімділігін арттыруға және тауарлар мен қызметтер сапасын жақсартуға ықпалын тигізеді[2].

Қазақстан Республикасының әлеуметтік инфрақұрылымын жетілдіру агроөнеркәсіптік кешеннің инновациялық жүйесін жүйелі түрде дамытумен тікелей байланысты. Агроөнеркәсіптік кешендегі инновациялық бағыттағы өзгерістердің ең өзекті мәселелеріне агроөнеркәсіптік өндірісті шоғырландыру, кооперация мен интеграцияның басым бағыттарын таңдау, саланы техникалық және технологиялық жанарту мен кәсіби мамандарды

даярлау жатады. Агроөнеркәсіптік кешенде әлеуметтік дамудың жоғарғы көрсеткішіне инновациялық үрдістерді қолдау және озық технологиялар мен озат тәжірибелерді енгізу арқылы қол жеткізе аламыз.

Қазіргі, күн санап қарыштап дамып жатқан нарықтық экономикада еліміздің агроөнеркәсіптік кешенінің инфрақұрылымын мемлекеттік реттеу маңызды шешілуі қажетті мәселелердің бірі саналады. Агроөнеркәсіптік кешенді инфрақұрылымдық тұрғыдан мемлекеттік реттеу ауылдық аумақтарды қаржыландыру, кешенді қажетті техникалық құрал-жабдықтар мен техникалармен жабдықтау, ақпараттық-маркетингтік қамтамасыз ету, кадр даярлау, өсімдік және мал шаруашылығы салаларында санитарлық қауіпсіздікті қамтамасыз ету арқылы жүзеге асырылуда.

Агроөнеркәсіптік кешенді қаржыландыру Қазақстан Республикасының бюджеттік заңнамасына сәйкес және арнайы мамандандырылған ұйымдардың жарғыларына сәйкес орындалады[3].

Қазақстан Республикасының агроөнеркәсіптік кешенінің бәсекеге қабілеттілігін арттыру үшін, ең бірінші кезекте өндірістік шығындарды төмендету, ауыл шаруашылығы дақылдары мен жануарлардан түсетін өнім көлемін жоғарылату, елдің аграрлық нарығында сұранысқа ие кадрларды даярлау, білім мен ғылымның тығыз интеграциясы өз кезегінде еліміздің агроөнеркәсіптік кешенінің жеделдетіп инновациялық тұрғыдан дамуын қамтамасыз етеді[4].

Қазақстан Республикасының индустриялық-инновациялық дамытудың 2020-2025 жылдарға арналған бағдарламасында, Қазақстан Республикасының өңдеуші өнеркәсібінің ішкі және сыртқы нарықтардағы бәсекеге қабілеттілігін арттыруда, агроөнеркәсіптік кешенді оның ішінде ауыл шаруашылығы өнімдерін өндіру көлемін арттыру, ауыл шаруашылығы машиналарының техника паркін жаңарту мен өңдеуші өнеркәсіп салалаларын технологиялық дамыту және цифрландыру, индустриялық кәсіпкерлердің әлеуетін жоғарылату көзделген. Осы бағдарламаға сәйкес, аталған мақсаттар мен міндеттерге сай азық-түлік өнімдерін өндіру үлесінің 18,1%-дан 14,7%-ға дейін төмендеуіне байланысты, қаржыландыру көлемін арттыру жыл санап арттыру жоспарланған[5].

Әдебиеттер

1. Агроөнеркәсіптік кешенді және ауылдық аумақтарды дамытуды мемлекеттік реттеу туралы қазақстан Республикасының 2005 жылғы 8 шілдедегі №66 Заңы

2. Ертазин Х.Е., Агробизнес оқулық-Алматы:Эверо, 2014.-46 б

3. Нұрғалиева А.А.Агробизнесі Ұйымдастыру оқу құралы.- Алматы:Экономика.-2015.-128-132 б

4. Қазақстан Республикасының агроөнеркәсіптік кешенін мемлекеттік 2017-2021 жылдарға арналған мемлекеттік бағдарламасын бекіту туралы Қазақстан Республикасы Үкіметінің 2018 жылғы 12 шілдедегі №423 қаулысы

5. Қазақстан Республикасын индустриялық-инновациялық дамытудың 2020- 2025 жылдарға арналған мемлекеттік бағдарламасын бекіту туралы Қазақстан Республикасы Үкіметінің 2019 жылғы 31 желтоқсандағы №1050 қаулысы